

Na osnovu Odluke o izboru najpovoljnijeg ponuđača za pružanje usluge nabavke i ugradnje podnih prostirki za potrebe JU „Služba za zapošljavanje Kantona Sarajevo“ - Sarajevo, broj: 01 – 01 - 1080/17 od 09.05.2017. godine, ugovorne strane:

1. Javna ustanova „Služba za zapošljavanje Kantona Sarajevo“ Sarajevo, sa sjedištem u ul. Đoke Mazalića 3, 71000 Sarajevo koju zastupa direktor Midhat Osmanbegović (u daljem tekstu: Naručilac), i
2. „CENTAR-HAN“ d.o.o. Sarajevo, sa sjedištem u ulici Kakrinjski put br. 16 , Sarajevo koga zastupa direktor Delić Sead (u daljem tekstu: Dobavljač),

zaključile su dana 10.05., 2017 godine

UGOVOR

o nabavci i ugradnji etisona za potrebe Javne ustanove „Služba za zapošljavanje Kantona Sarajevo“ Sarajevo

I – PREDMET UGOVORA

Član 1.

Predmet Ugovora je nabavka i ugradnja etisona za potrebe Javne ustanove „Služba za zapošljavanje Kantona Sarajevo“- Sarajevo, u skladu sa ponudom broj: 15-04/17 od 04.05.2017. godine, koja je sastavni dio ovog ugovora.

II – CIJENA UGOVORA

Član 2.

Ugovorena cijena usluga iznosi 2.482,24 KM sa PDV-om (slovima: dvijehiljadečetiristotinosamdesetdva i 24 /100 KM).

Cijene usluga iz ovog ugovora su sadržane u ponudi dobavljača broj: 15-04/17 od 04.05.2017.godine i ona se ne može mijenjati.

III – ROK ZA IZVRŠENJE POSLA

Član 3.

Rok za izvršenje posla iz tačke 1. Ugovora je 7 dana od dana potpisivanja ugovora.



IV – NAČIN PLAĆANJA

Član 4.

Naručilac se obavezuje da će ugovorenu cijenu iz člana 2. Ugovora platiti dobavljaču po ispostavljenoj fakturi u roku od 15 dana.

Plaćanje će se izvršiti na transakcijski račun koji se ispostavi na fakturi dobavljača.

OBAVEZE DOBAVLJAČA

Član 5.

1. Dobavljač se obavezuje da će izvršiti obaveze iz člana 1. Ugovora.
2. Odgovara za uredno izvršenje Ugovora, štiti prava i interese Naručioca, te ga obavještava o toku realizacije Ugovora.
3. Prihvati eventualne reklamacije na isporučenu robu, na osnovu pismenog obavještenja Naručioca.
4. Ispostavi fakturu, sa zapisnikom u prilogu, potpisanim od strane ovlaštenih predstavnika Naručioca.

OBAVEZE NARUČIOCA

Član 6.

Naručilac se obavezuje da:

1. Izvrši obaveze iz Člana 2. Ugovora,
2. Ako se konstatuje da isporučena roba ne odgovara zahtjevanom kvalitetu, Naručilac će sastaviti izvještaj (reklamaciju) i uputiti Dobavljaču koji će verifikovati činjenice (na licu mjesta) i notificirati svoj stav u roku od 3 dana.
3. Robe koje ne odgovaraju uslovima i kvalitetom koje su navedene u ponudi, Dobavljač će zamijeniti na svoj teret, zavisno od odluke Naručioca.
4. Ako se zamjena ne izvrši na zadovoljavajući način, Naručilac će imati pravo da robu vrati Dobavljaču.

KVALITET ROBE

Član 7

Dobavljač se obavezuje da isporučena roba bude traženog kvaliteta, odnosno onog koji je dat u Ponudi.

Kvalitet robe koja je predmet ovog ugovora, kontroliše se prilikom sačinjavanja zapisnika o prijemu robe, a pratiće se i u eksploataciji.

Sve mane i nedostatke, odstupanja od ugovorenog kvaliteta koji se u toku garantnog roka konstatuju na isporučenoj robi, Dobavljač je dužan otkloniti o svom trošku u roku od 7 (sedam) dana od dana prijema pisanog obavještenja sa reklamacijom.



2

GARANTNI ROK

Član 8

Dobavljač garantuje da kvalitet isporučene robe odgovara traženim zahtjevima, a garancija iznosi minimalno 12 mjeseci, računajući od dana potpisivanja Zapisnika o isporučenim robama.

V – ZAVRŠNE ODREDBE

Član 9.

Sve eventualne sporove ugovorne strane će riješiti prvenstveno sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je sud u Sarajevu.

Član 10.

Na sva ostala prava i obaveze koje nisu posebno regulisane Ugovorom, primjenjivat će se dispozitivne odredbe Zakona o obligacionim odnosima

Član 11.

Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 12

Ugovor stupa na snagu danom obostranog potpisivanja od strane ovlaštenih lica ugovornih strana.

Član 13.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

„CENTAR-HAN“ d.o.o. Sarajevo



Zastupan po:
Direktoru, Delić Sead

Broj: 01.05/17

Sarajevo, 10.05.2017



JU „Služba za zapošljavanje Kantona Sarajevo“ – Sarajevo



Zastupan po:
Direktoru, Midhatu Osmanbegoviću

Broj: 1095/17

Sarajevo, 10.05.2017.g.

